



**Quæstionum Canonicarum, In Quinque Libros  
Decretalium, Tomus ...**

In Librum I. Decretrialium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

Articulus II. De Obedientia.

---

[urn:nbn:de:hbz:466:1-73031](#)

sententijs, & subscribendo, præferendi sunt, cæteris paribus; & antiquior in Collegio, alijs præfertur; sic ille. Cæterum non ubique attenditur titulus majoritatis. Licet enim ante omnia consideranda sit nobilitas statu, & amplitudo jurisdictionis ( propter quam omnes præcedit Papa; & post illum Cardinales etiam non Episcopi, qui præminent Patriarchis, & Archiepiscopis, isti Episcopis, & hi Presbyteris non Episcopis ) hoc tamen ex quoniam locorum consuetudine non observatur.

Unde, quando contingit aliquos esse statu, & jurisdictione pares, attenditur prærogativa ordinis, ut dicitur c. fin. dist. 15. c. 5. dist. 93. & c. 15. h. t. Hinc Cardinales Episcopi præferuntur alijs Cardinalibus Presbyteris; hi, Diaconis; &c. & Barb. in cit. c. 15. nu. 3. cum Tiraquel: de jure primogenit. in prefat. nu. 151. ex eodem colligit dignitatem etiam antiquitati præferendam esse. At, licet hoc postremum non modò valde rationabiliter, & de jure procedat, etiam inter Canonicos Ecclesiasticorum Cathedralium; de consuetudine tamen, vel ex particularium Ecclesiasticorum statutis, in multis hodie Canonicibus id non observatur; & solum habetur consideratio antiquitatis sic, ut, qui prior in Canonicum est receptus, licet non sit in Sacris, præcedat receptos posterius etiam constitutos in dignitate alterius Ecclesiæ. V. Barbos. lib. 1. Juris Ecclesiastici, c. 21. à nu. 86. talem consuetudinem reprobantem tanquam non rationabilem.

Not. 4. quod post nobilitatem statu, & jurisdictionis amplitudinem, attendatur dignitas ordinis ex n. 2507. si tamen aliquos in præmissis contingat esse plures, ei præcedentiam de jure competituram, pro quo stat dignitas ordinantis, vel conferentis, ut constat ex c. Per tuas, 7. h. t. Nam ordinatus à Papa præferendus est ordinato ab inferiore, si pares sint in dignitate, jurisdictione, ordinis gradu; licet alter tempore prior sit, ut habetur c. 12. de præbend. in 6. ab obedientia tamen propter hoc non eximuntur; ut constat ex textu cit. c. 7. ibi: et si decens sit, ut illis, quantum convenit, à te inter alios tibi subditos, deferatur, quos benignitas Apostolica, collatione ipsius ordinis, honoravit; per eam tamen ab obedientia, quam alias

Tom. I.

tibi debent, minimè absolvuntur; textus autem in c. 12. loquitur sic: qui auctoritate Apostolica in aliqua Ecclesia in Canonicos sunt recepti, debent in præbendarum affectione ceteris anteferri Legatorum, vel aliorum quorumcunque auctoritate receptis antea in eadem. Eum quoque, qui ad mandatum Legati, vel alterius auctoritate Apostolica sibi specialiter in hac parte concessa fungentis recipitur: auctoritate Apostolica receptum esse dubium non existit.

Similiter ex his, qui dignitate, jurisdictione, ac ordine pares sunt, is præferendus est illi, qui ab inferioribus per ipsum Papam exemptus est, propter maiorem dignitatem eximentis, seu conferentis exemptionem, ut colligitur ex c. 6. de Privileg. in 6. quod confirmatur ex dist. c. 12. de præbend. in 6. ubi receptus in Canonicum auctoritate Pape, in consecratione præbenda, primò vacaturæ, præfertur recepto auctoritate inferiorum, licet prius tempore receptus sit. Ex hoc colliges, eam regulam: qui prior tempore, potior jure, valere solum, ceteris paribus. Nam tempore posterior, sed dignitate prior, de jure præcedit antiquorem; quod etiam dicendum venit, si priorem tempore, supereret alio titulo ex præmissis: dixi de jure. Nam secus est de legitima consuetudine, vel statuto particularis Ecclesiæ. Plura de his Barb. l. 1 Universi juris Ecclesiastici, c. 43. à n. 181.

## ARTICULUS II.

### De Obedientia.

**E**nascitur obedientia in minore, quam hic illi debet, juxta gloss. in c. 1. dist. 93. **V. obedientia:** Hæc in tribus consistit 1. in reverentia exhibenda; 2. in judicio obeundo, quatenus scilicet inferior citanti patrē debet. 3. in mandato majoris suscipiendo; intellige, ceteris paribus, & in his, quibus ad invicem sunt, c. omnes 4. h. t. ibi: omnes Principes terra, & ceteros homines, Episcopis obedire, B. Petrus præcipiebat, ita Clemens Papa III. esto Gonzalez ibid. dicat, esse S. Clementis I. in Epistola ad Jacobum, Fratrem Domini; idem habetur c. 13. eod. & 3. q. 3. c. 93.

Ce cc 2

Debet

Debetur autem obedientia potius proximo Superiori, quam remotiori, quatenus contra leges Superioris nihil præcipit, c. inter, 8. b. t. Sic Religiosus potius Abbatii parere debet, quam Episcopo; & non Episcopi, sed Abbatis iussu ordinandus est, c. si quis Monachus, 28. & c. cum pro utilitate 34. 16. q. 1. ibi: cum pro utilitate Ecclesiæ aliquos Monachorum Episcopus probaverit in Clericatus officio promoven-  
dos, cum Abbatis voluntate debent ordi-  
nari. Et ideo Clericus, Episcopi subdi-  
tus, nec ab Archi-Episcopo sine illius con-  
sensu transferendus est, c. conquestus 9.  
q. 3. ubi Nicolaus Papa, scribens ad Rodulphum Bituricensem Archi-Episcopum, conquestus, inquit, est Apostolati nostri, Frater noster Sigedodus, Archi-Episcopus Narbonensis, quod Clericos suos, eo invito, ad judicium tuum venire compellas, & de rebus ad Ecclesiam suam per-  
tinentibus, eo inconsulto, quasi jure Patriarchatus tui disponas: cum hoc nec antiquitas (cui Patres sanxerunt reveren-  
tiā) habeat, & auctoritas sacrorum Ca-  
nonum penitus interdicat: nisi forte pro  
causis, quæ apud se terminare non pos-  
sunt, ad te quasi ad Patriarcham suum  
provocaverint, vel si Episcopus suus de-  
cesserit, res Ecclesiæ suæ judicio tuo di-  
spensare voluerint, Parentes enim, vel  
Patriarchas nihil privilegij habere, præ-  
ceteris Episcopis, nisi quantum Sacri Ca-  
nones concedunt, & præsca consuetudo il-  
lis antiquitus contulit, definimus: ita ut  
secundum Nicænas regulas sua privile-  
gia serventur Ecclesiæ: præterquam, si  
Apostolica Sedes aliquam Ecclesiam, vel  
ipsius Rectorem quolibet speciali privile-  
gio decreverit honorare.

2511. Dixi, in his, in quibus sunt ad invicem, nimirum relatione Superioritatis, & sub-  
jectionis. Nam Superiori præcipienti ali-  
quid subdito in materia, per ordinem ad  
quam illi, quæ tali, non est subiectus, in  
tali materia non tenetur parere, ut con-  
stat ex Trid. à nobis relato superius. Ex  
hoc sequitur, Regulares Episcopo, non  
ut Ordinario, sed solum ut delegato Papæ  
subjectos in certis casibus, præcipienti ali-  
quid, extra tales casus, impunè non pa-  
rere. Nam vel præcipit ut Ordinarius?  
& sic subditi non sunt; vel ut Papa dele-  
gatus? & sic, præcipit in materia, pro

qua commissionem non habet. Quando-  
autem dicitur, subditos majoribus suis  
debere reverentiam etiam in præcepto, seu  
mandato ejus observando, intelligi debet,  
nisi illicita præcipiat, vel mandet. Nam  
ad illicita non datur ulla obligatio. In du-  
bio autem, num illicitum sit? quod Su-  
perior præcipit, obtemperandum esse Su-  
periori; cum præsumptionem pro se ha-  
beat, & multa frequenter faciat ex justis  
causis, ac circumstantijs, quas ignorant  
subditi, nec illis aperire quandoque expe-  
dit, c. quid culpatur. 23. q. 1.

Sed quid, si subdito solum sit probabile,  
rem præceptam, non esse peccatum; pro-  
babilius autem, quod sit peccatum? tene-  
biturne tune obedire Superiori, & ex-  
equi rem mandatam? ad hanc quæstionem  
respondent aliqui, nunquam, vel ferè  
nunquam contingere, ut, ubi dubium  
est, an aliqua actio sit intrinsecè mala, &  
Lege Divina, & naturali prohibita, Su-  
perior sciens dari opinionem verè proba-  
bilem de turpitudine intrinseca talis actio-  
nis, audeat illam præcipere subdito,  
quamvis ipse probabilius existimet, actio-  
nem illam ex se esse licitam. Hinc con-  
cludunt, Adversarios (qui scilicet volunt  
esse licitum quotidianum usum opinionis,  
minus probabilis, & minus tutæ) recur-  
rere ad casum rarissimum, qui vix acci-  
dere potest, & salvâ prudentiâ præcipien-  
tis, nunquam videri posse contingere;  
licet concedant, posse non semel accide-  
re, ut Prælatus præceptum imponat sub-  
dito, exequendi actionem, quæ de se est  
indiferens, quam tamen ipse subditus  
putat sibi illicitam, vel quia existimat, val-  
de nocivam suæ sanitati, aut honori; vel  
quia putat fore sibi laqueum graviter de-  
linquendi. At, quod in hoc casu tenea-  
tur obedire, nulla est difficultas. Sic illi:  
Respondent ulterius, admisso, quod  
Superior ductus opinione probabili, faven-  
te libertati contra legem, præcipiat sub-  
dito, ut exequatur actionem, quam ipse  
subditus sibi persuaderet esse illicitam ob  
fundamenta opinionis probabilioris, stan-  
tis pro lege adversus libertatem; subdi-  
tum tamen in sensu composito illius judicij  
non posse obedire Prælato; quamvis enim  
sciat obediendum esse Superioribus perin-  
de ac ipsi DEO, scit tamen, id intelligen-  
dum secundum doctrinam Bernardi, &  
alio-

aliorum Sanctorum Patrum, quando homo contraria DEO non præcipit.

Unde docent, subditum retento iudicio, quo absolutè, & non restrictè sibi persuadet, esse intrinsecè malam, certam actionem, peccare, si illam exequeretur; quia ageret contra conscientiam; neque retento hoc iudicio, posse bona fide formare dictamen, quod hic & nunc sibi licet illam exercere: implicat enim, ut bona fide quis credit, sibi hic & nunc licitam esse actionem, quam absolutè, & non restrictè judicat esse malam secundum se; & demum volunt, quod subditus absolutè in illo casu teneatur obedire, quia, ut rectè inquit P. Suarez lib. 6. de Legib. c. 8. n. 6. subditus debet iudicium suum depонere, ut est communis doctrina, & in praxi necessaria; ac proinde tenetur depонere propriam opinionem, & in operando sequi opinionem Prælati; quia potest, ac deber avertere considerationem à motivis, quæ ipsi persuaserant, rem illam esse illicitam; & mentem erigere ad contemplandum, quod Superior locum DEI teneat, dum tanquam Superior præcipit; ac proinde, quod DEUS per os ejus loquatur; cùm ergo DEUS non nisi honesta, & licita præcipere possit: opinio favens libertati, quæ ante præceptum apparebat subdito minus verisimilis, post præceptum illi apparebit verisimilior; sic illi.

In hac quæstione videtur 1. casum, de quo in præsens agitur, non esse adeò rārum, ut nunquam, vel vix unquam contingere possit. Nam plura sunt exempla in Sacris Canonibus, ubi etiam Majores multa ordinārunt, & præcepta dederunt, à summis deinde Pontificibus reprobata, tanquam institutis Sacrorum Canonum adversantia, licet ipsis præcientibus non viderentur esse mala, & illicita. Nam & ipsi homines sunt, & in quæstionibus facti, in quibus quandoque fundant mandata sua, errare possunt. Videtur 2. eam propositionem: *subditus in sensu composito iudicij, quo sibi persuadet, mandati executionem esse illicitam*, ob fundamenta opinionis probabilitatis stantis pro lege, adversus libertatem, non potest obedire Prælati, esse distinguendam, & omnino concedendam, quando mandati executio est manifestè illicita. Nam in hoc casu locuna habet, quod assumitur ex D. Bernar-

do; si autem non sit manifestè illicita (ut contingit in casu præsenti, ubi de illicito est solum major apparentia veri, sed *cum incertitudine*, quod existat lex eam prohibens) neganda est ex Doctrina S. Patris nostri Ignatij, cuius verba in aurea epistola de obedientia universaliter præscribunt hanc regulam: *ut cæco quodam impetu, & sine ulteriori examine obedientia prompta exhibeat in omnibus*, in quibus nihil evidenter DEO contrarium præcipitur, in omnibus, quæ manifesto peccato conjuncta non sunt.

Nec obstat ratio, quæ assertur pro impossibilitate, quod in sensu composito dicti iudicij licite obediatur. Nam duplicit potest subditus executionem mandati *judicare, illicitam iudicio absoluto, & directo* 2514. *i. iudicando illam esse illicitam intrinsecè, ac in se: 2. illam esse illicitam solum extrinsecè, & in apparentia motivorum, ejus malitiam, seu prohibitionem suadentium.* In sensu composito hujus secundi iudicij *directi*, quo subditus iudicat, motiva directè suadentia malitiam executionis mandati, habere majorem apparentiam veri, quam motiva directè suadentia ejus bonitatem, licitè, ac religiosè subditus sibi imperat executionem mandati, Imperio regulato non per illud dictamen *directum*; sed reflexum super incertitudine motivorum actus, directè suadentium malitiam, & saltem moraliter certum principium, quod non erret, aut contra Deum agat, qui facit, quod Superior præcipit, ubi non est manifestè peccatum. Ex hac enim reflexione subditus sic directè discurrit: qui facit, quod Superior præcipit, bene agit, si materia præcepti non sit manifestè peccatum; sed licet mihi appareat extrinsecè verum (nimurum vi motivorum directè suadentium) quod materia præcepti hic & nunc sit peccatum, non est tamen manifestè peccatum; ergo hic & nunc bene ago, etiam in sensu composito illius iudicij directi.

Primum autem iudicium, quo quis directè, ac categorice judicet de veritate *intrinseca* actionis hic & nunc exercenda quoad bonitatem, vel malitiam ejus, non est necessarium ad honestè operandum. Potest enim quis prudenter assentiri veritati objecti *in se*, licet ea non appareat ita se, sed solum in alio, prout contingit, cùm

Cccc 3 judicaz

judicamus, Deum revelasse Incarnationem Verbi, licet nec revelationis, nec *In carnationis intrinseca veritas appareat in se*, sed solum in alio, nimurum in moti vis credibilitatis. Nam nemo dubitat, fidem Divinam, qua supponit non pro actu credendi, sed actu volendi credere, seu pro actu imperante actum credendi, esse moraliter bonum, & formaliter honestum; & tamen hoc imperium non procedit, nisi ex judicio credibilitatis, quod non judicat, absolute, ac categorice de veritate intrinseca existentiae revelationis; sed solum extrinseca, prudenti nimurum credibilitate revelationis facta; ergo a fortiori, ut voluntas in rebus incertis, ac inevidentibus, quæ non apparent in se, sed tantum probabilitet in alio, gravi nimurum fundamento, suadente prudenter talem operationem esse eligibilem, inclinet intellectum, non requiritur, quod judicium dirigens voluntatem statuat absolute, ac categorice, talem electionem esse honestam in se; sed solum modaliter, quod habeat apparentiam veri in alio de sua honestate.

2515. Dices: in casu, quo subditus obedit voluntate directa ex illo dictamine reflexo, de quo suprà nn. 2514. eo ipso evadit illi probabilius contra dictamen directum de malitia objecti, quod in eo casu executione mandati careat malitia; ergo non probatur, dari casum, quo quis bene operetur contra dictamen probabilius Resp. verum esse, in dato casu subdito, ex illo dictamine reflexo, evadat probabilius, executionem mandati, hic & nunc non esse malam; sed hoc dictamen reflexum non esse necessarium. Ratio hujus est, quia licet pro licita executione mandati, quæ habetur ex apparentia motivorum actus directe judicantis, licitam executionem, non accedat novum pondus ex parte intellectus, seu major apparentia veri, vi cuius excedat apparentiam motivorum contra licitam executionem mandati, dummodo pro illa accedat majus pondus ex parte voluntatis, seu major ratio boni pro executione mandati (quæ in actu primo appareat licita) potest voluntas intellectum inclinare, ut apud se judicet, sibi que persuadeat, se bene acturum, exequendo mandatum, licet in contrarium sit major apparentia veri, ut diximus suprà,

1517.

Ratio est, quia bene simul, etiam tempore, in eodem intellectu componuntur hæc duo judicia: quod hic & nunc liceat exequi mandatum, habet rationabilem apparentiam veri; & quod non liceat, habet maiorem apparentiam veri, sed utrinque incertam; si ergo in tali casu propo- natur voluntati in hac quæstione, utringa incerta, esse conducibilius, suum judicium vincere, & accedere parti, quæ ha- bet rationabilem apparentiam veri de li- cita executione, poterit in re incerta, ac inevidenti, flectere in eam partem, qua judicet, se licet exequi mandatum. Quid enim cohibebit? quod minus aut voluntas imperet, vel intellectus imperanti pareat? Non major apparentia veri pro dishonestate executionis; hæc enim apparentia ve- ri, licet minori, pro honestate executionis, non tollit vim motivam in actu primo, nec sistere potest motum in actu secun- do, qualiter fit, ubi sunt æqualia ponde- ra in bilance, ut diximus suprà à n. 971. deinde stante etiam æquali pondere intel- lectuali in oppositis, voluntas expræpon- derantia boni in uno, flectere potest intel- lectum in partem determinatam, o- missa electione alterius, ex dictis.

Dices, tale imperium non fore prudens; sed hoc negatur cum concipiatur ex præ- vio judicio, fundato in rationabili apparen- tia veri pro honestate executionis, non ob- stante majori apparentia veri in oppositum. Nam hæc nullatenus elidit illam, ut paulò ante diximus. Si dicas, non esse judicium prudens, quo quis sibi persuadet, verum esse, quod liceat mandatum exequi, quan- do hoc ipsum appetat magis propinquum falso, quam vero, præsertim retento ju- dicio, quo sibi persuadet, esse verum, quod non liceat mandatum exequi; aliæ enim simul judicaret, esse verum, quod liceat; & esse verum, quod non liceat. Resp. ne- gando assumptum, si non obstante ma- jori apparentia veri pro dishonestate execu- tionis, ex gravi fundamento nihilomi- nus appetat verum, seu si datur apparen- tia veri pro honestate actus; hanc autem simul consistere posse cum illa, hic in præmissis hoc num. dictum est; cum u- trumque judicium possit esse verum. Neu- trum enim judicat de veritate objecti in se, sed solum de veritate in apparentia, quam habet una pars pro se, & altera in oppo-

oppositum, seclusa certitudine unius ex oppositis.

2516. Ad id, quod in n. 2512. additur, Resp. non requiri, quod, ut subditus honeste exequatur mandatum, retineat judicium, quo apud se judicet categorice, esse in se verum, quod non licet executio mandati, cum ponatur operari ex judicio, quo categorice judicat, esse in se verum, quod licet, quo eo ipso recedit a priori. Ut autem ex hoc judicio prudenter procedat, sat is est, quod non obstante majori apparentia veri pro inhonestate, maneat etiam apparentia veri pro honestate, nixa fundamento gravi; esto non recurrat ad dictamen reflexum, quo ratio liciti evadat illi probabilior. Hinc valde diversa sunt: subditus in sensu composito judicij, quo sibi persuadet, esse verum in se, quod executio mandati non sit licita, non potest concipere prudens judicium, quo sibi persuadet, esse verum in se, quod executio mandati sit licita, & subditus in sensu composito judicij, quo sibi persuadet, esse verum solum apparenter, quod executio mandati non sit licita, non potest concipere prudens judicium, quo sibi persuadet, esse verum in se, quod executio mandati sit licita. Nam hoc secundum omnino negatur, cum haec duo sibi non contradicant; in primo autem casu subditus deberet deponere illud judicium, quin esse licitum appareat probabilius opposito; quod facile fit, considerata ejus incertitudine, & gravi fundamento nihilominus militante pro honestate executionis; quibus per accidentem solum insinuat:

2517. Not. 1. obedientiam, de qua in Rubrica hujus tituli, sumi largè pro executione cuiuscunque rei, quæ potest cadere sub preceptum, quæ est obedientia solum generalis, & reperitur in quolibet actu exequente materiam præcepti, licet operetur ex fine obedientiae specialis, qui est intendere submissionem sui per conformitatem cum intellectu, & voluntate legitimi Superioris, quæ talis; licet Barb. in c. 1. b. t. nu. 11. velit obedientiam hic sumi prout est virtus specialis; sed non bene. Nam hoc non exigunt de necessitate etiam Ecclesiasticae, imò nec divinae leges, ex dict. n. 434.

2518. Not. 2. subditos, Episcopi decreto non obedientes, esse excommunicandos, ex

c. si quis, 2. b. t. intellige, in negotijs pertinentibus ad statum Clericalem, in quibus subsunt; dummodo tale decretum non aduersetur sacris Canonibus, c. Institutionis, 24. q. 2. Casus autem, in quibus aliqui putant, Episcopum statuere posse contra Canones, & constitutiones summorum Pontificum, refert Barb. de offic. & potestat. Episc. p. 3. allegat. 93. à n. 31. sed hoc non procedit de potestate Episcopi, jure ordinario, ei competente, ut consta ex dictis nu. 1103. Excusatur tamen Judex inferior ab inobedientia, si differat executionem sententiae Principis, aut Superioris, qua condemnavit aliquem ex motu iracundiae, aut vindictæ, aliove modo, non servato juris, aut rectæ rationis ordine, ut colligitur ex L. Vindicari, C. de pœnis, & resolvitur à Covarruv. in reg. Peccatum, p. 1. n. 5.

Not. 3. ubi agitur de controversia subjectionis, & obedientiae, nihil esse attendandum in præjudicium Rei, vel possessoris, antequam citetur, ut dicitur c. inter quatuor, 8. b. t. Nam citatio est omnium actionum instituendarum principium, caput, basis, & fundamentum judicij, 2. fori, Institut. de pœna temere litigant. Hinc immerito saxe proceditur ad dictatas pœnas subditis non auditis, majori plenumq; damno, quam fructu boni communis.

Not. 4. titulo dictæ obedientiae, etiam Abbates, & Sacerdotes, qui Episcopo diccesano subsunt, teneri ad ejus Synodum venire, & ad hoc per censuram compelli posse, ex c. quod super his, 9. b. t. hunc tamen Canonem loquentem de Sacerdotibus, Piascius in Praxi nova Episc. p. 2. c. 2. n. 2. & alij, intelligunt de Sacerdotibus, qui animarum curam habent, juxta Trid. sess. 24. de reform. c. 2. loquentem autem de Abbatis, & alijs Exemptis ex Trid. cit. idem affirmat Barbosa in cit. c. nu. 3. qui alias, cessante exemptione, Synodo interesse deberent, nec Capitulis generalibus subduntur; non autem his, qui non habent Capellas, seu membræ, aut populum non exemptum, idque per cap. Ex ore, de privileg.

Cæterum textus loquens de Abbatis, rectius intelligitur de illis, qui habent populum, de quibus loquitur, c. Abbates, 18. q. 2. Hi enim propter populum tenentur vocati accedere Synodum, etiam si

fine

sint exempti per c. Ex ore , de privileg. secus est de non habentibus populum , nisi alia causa rationabilis subfit , c. Episcopus 11. dist. 18. quod etiam procedit de Sacerdotibus sacerdotalibus , & beneficiatis , qui curati non sunt , cum populum non habeant , nisi Synodus indicta foret ad Clerici totius reformationem , vel edenda statuta generalia pro tota diœcesi . V. Azor p. 2.l. 3. cap. 47. q. 3. Quod verò diximus ex Barbosa de exemptis , qui alias cessante exemptione Synodo interesse deberent , nec generalibus Capitulis subfunt , est ex jure novo Concilij Trid. sess. 24. de reform. c. 2. quod tamen Pirhing h. t. num. 12. q. verum , videtur intelligere solum de illis , quorum Ecclesijs annexa est animarum cura . Mendicantes autem , ad Synodū diccessanam , venire non tenentur , ut notat Piascius cit. in praxi Episc. p. 2. c. 2. a. 1. n. 3.

2521. Not. 5. Superiorissimis Monialium ( ut sunt Abbatissæ , Præpositæ , Prioristæ ) ratione publici muneris esse capaces jurisdictionis non annexæ Ordini , ut sunt nominare Clericos ad beneficia , & punire propter inobedientiam in his , quæ ad gubernationem sui monasterij , Monialium , & rerum subjectarum pertinent , ut colligitur ex c. dilecta , 12. h. t. Pro cuius intelligentia præter ea , quæ diximus suprà , not. 6. fæminas , sicut sunt capaces dignitatis Ecclesiasticæ , sic etiam ratione sui muneris publici capaces esse aliquos jurisdictionis Ecclesiasticæ non supponentis Ordinem , juxta dicta loc. cit. Et ideo ratione dignitatis possunt habere collationem beneficiorum , ut notat Abbas in cit. c. 12. n. 3. ac in eis instituere , institutione dante possessionem , & titulum ; non autem authorizabili , per quam datur potestas exercendi curam animarum , ligandi , ac solvendi ; sic Frater Emmanuel tom. 1. q. 17. a. 12. apud Barbos. hic n. 3.

2522. Not. 7. nec Abbatissis , nec ulli non Clerico , competere potestatem excommunicandi sibi subjectos ; cum ea potestas spectet ad potestatem Clavium Ecclesiæ , cuius mulier , & non Clericus , incapax est ; sic Abbas cit. n. 3. Unde , si Clerici , vel alij mulierum Regularium subditi egerent correctione penali per censuras , Abbatissa deberet implorare officium Superioris , ut dicitur cit. c. 12. Hinc cum in cit. c. 12. dicitur , quod Ab-

batissa , de qua ibi , Honorio III. conquersta de in obedientijs suarum Canonicarum ( non Regularium ) eas ab officio , & beneficio suspenderit , non intelligitur de suspensione , quæ est censura , cuius violatio inducit irregularitatem ; sed quæ est pena , privando fructibus beneficiorum , & prohibendo ab exercitio , seu functionibus officiorum suorum ; V. Azor. cit. p. 1. l. 13. c. 10. q. 6.

2523. Not. 8. Clericum , Episcopo subiectum , non teneri ad obedientiam ei præstandam in scripto , vel per juramentum , ut habetur in c. Legebatur , 3. h. t. sed sufficere , promissionem manualem , seu verbalem ; at hoc intellige de simplici Clerico , nullam administrationem habente . Parochi enim , & Curati , tempore investituræ , tenentur juramentum obedientiæ præstare Episcopo , in quo tamen attenditur cujusque Ecclesiæ consuetudo . Excipi etiam debet casus , quo Canonici Regulares , Priori suo , inobedientes forent . Nam tales ab illo excommunicari possunt ; & licet à Papa , vel ab alio absolverentur ; deberent præstare juramentum de obediendo suo Superiori ; si autem forent incorrigibiles , expellendi essent de consortio fratrum , ut dicitur cum in Ecclesijs , 10. h. t. V. infra dicenda , à n. 2526.

2524. Not. 9. Metropolitanum non posse exigere juramentum à suo Suffraganeo ultra formam Canonicam ; & si exigat , non teneri parere ; & si juret ; juramentum non tenere , cap. dilecti filij , 13. h. tit. intellige , non tenere quoad ea , quæ juravit ultra formam . Ex quo colligitur , Capitulum , etiam invito Prælato , posse se opponere , si ex facto Episcopi , vel alterius Prælati , præjudicium infertur Ecclesiæ , prout in casu hujus c. se opposuit Archidiaconus , & Capitulum Castellatum Archiepiscopo , & Patriarchæ Grandensi apud Gregor. IX. Summum Pontificem ; cum ille ab Episcopo Castellano juramentum ultra formam Canonicam exegisset .

2525. Not. 10. præter poenæ , inobedientibus statutas , de quibus num. 2518. inobedientiæ notam incurtere non obedientem Apostolicis Canonibus , ut habetur c. Illud Dominus , 5. h. t. ibi : sed cum spiritualia sint temporibus digniora , & obedientia melior sit , quam victimæ , & auscultare , magis , quam adipem arietum offerre , non debue-

debuerat idem Episcopus, pro temporali  
commode Herbipolen. Ecclesie, notam in-  
currere inobedientie, & Apostolicis jus-  
sionibus contraire: hanc notam vocant  
aliqui infamiam Canonicanam; que tamen,  
sublato peccato, ex quo nata est, per poe-  
nitentiam tollitur, ut notat Abbas in cit.  
n. 5. in fine.

Not. 11. circa incorrigibiles (de qui-  
bus nu. 2518.) posterioribus temporibus  
aliqua, specialiter observanda, esse prae-  
scripta novissime ab Innocent. XII. qui  
confirmans decretum de ejectis, & ejicien-  
dis, edictum à sacra Congreg. 1. Maij,  
1693. statuit. 1. quod firma mancant,  
decreta de Apostatis, & ejectis, edita à  
sacra Congregatione Concilij; & Urban.  
VIII. anno 1624. confirmata. Secundò,  
de novo statuit, quod annus integer, qui in  
prædictis decretis anni 1624. præstribi-  
tur in penitentia, & jejunio ad ejiciendos  
incorrigibiles, ad sex tantum menses conti-  
nuos in posterum coartetur, & restrin-  
gatur.

Tertiò, quod facultas Generalibus Or-  
dinum, de consilio, & assensu, ex gravio-  
ribus Religiosis, in singulis Capitulis, &  
Congregationibus generalibus, ad causas  
ejiciendorum eligendis attributa; exten-  
datur etiam ad quoscunque Provinciales,  
qui electis pariter in Congregationibus  
provincialibus, 16. gravibus ex propria  
Provincia Religiosis, à Generali confir-  
mandis, de illorum consilio, & assensu,  
causas hujusmodi cognoscant, & ad effe-  
ctum ejiciendi incorrigibiles suæ Provin-  
ciae, & electionem pronuntiandi, acce-  
dente approbatione Generalis, definiant,  
salva semper S. Sedis, & S. Congregationis  
Concilij, in casu recursus, & appellatio-  
nis, auctoritate.

### ARTICULUS III.

An Minor exercere valeat jurisdictione  
in Majorem?

2527. **C**Asus iste proponitur in c. cum infe-  
rior, 16. h. t. ubi Archi-Diaconus  
Firmiensis in Episcopum ibi consecratum,  
& confirmatum, ac ejus Ecclesiam, ju-  
risdictionem exercere voluit; eò quod  
illa Ecclesia prius, quam ab Archi-Episco-  
po Coloeensi, de licentia Papæ, in Cathe-  
dralem érigeretur, sub suo Archidiaco-

Tom. I.

natu fuerit. Re delata ad Gregorium IX.  
Pontifex id absontum judicans, eò quod  
inferior regulariter Superiorum nequeat  
solvere, & ligare; sed Superior, inferior  
rem: mandavit Archi-Episcopo Colocen-  
si, ut dicto Archi-Diacono inhibeat, ne  
de cætero aliquid hujus, erga Episcopum,  
& ejus Ecclesiam attentare audeat, cum  
dictus Episcopus à jurisdictione ipsius Ar-  
chi-Diaconi ipso facto sit exemptus; sic c.  
cum inferior.

Ex hoc c. Colliges 1. Ecclesiam Colle-  
giatam, vel Conventualem, non modò  
Sæcularem, sed etiam Regularem, ipso  
facto fieri exemptam à jurisdictione Præ-  
lati, Episcopo inferioris, si legitimè eriga-  
tur in Cathedram; constat ex casu nu-  
meri preced. Unde fit, quod, si Episcopo,  
de novo constituto, assignata sit propria  
diœcessis, intra cujus fines Archi-Diaconus  
existit, etiam iste illi subjectus erit, arg. c.  
Regenda, 10. q. 1. & c. cum persone 7. de  
Privileg. Deinde Monasterium Religiosi  
Ordinis erigi posse in Ecclesiam Cathe-  
dralem, sic, ut ejus Prælatus, sive Regu-  
latis, sive sæcularis ibidem Episcopus sit, ut  
habetur in cit. c. cum inferior; & c. t.  
ne Sede vacante, juncto c. nullus 28. de  
elect. in 6.

Colliges 3. in textu signatè dici, quod  
inferior regulariter Superiorum nequeat  
solvere, & ligare. Nam per accidens  
fieri potest oppositum, v. g. ratione deli-  
cti, non quidem sic, quod, si Episcopus  
delinquat intra fines Archi-Diaconi sibi  
subjecti; vel Archi-Episcopus in diœcessu  
sui Suffraganei, hic ab illo puniri possit  
(quia inferior nequit ligare illum, cuius  
jurisdictioni subordinatus est, ut rectè no-  
nat Layman in cit. c. 16. n. 3.) sed, si E-  
piscopus extraneus delinquat in territorio  
Prælati non exempti, Abbatis v. g. vel Præ-  
positi. Nam delinquens in territorio non  
subjecti, aut non subordinati Judicis, ratio-  
ne delicti sortitur forum; quia tunc in ta-  
li loco habetur ut persona privata; sic Ab-  
bas in c. sanè, de foro compet. n. 4. Limi-  
tari etiam debet dictum, quod Superior non  
subjiciatur inferiori, ut non procedat,  
quando ille huic se sponte subjicit in his,  
à quibus lege, vel Canone noti prohibe-  
tur; sic Superioris, Episcopi, imò & sumi-  
mus Pontifex, suis se confessarijs rectè  
subjiciunt.

D d dd

Colli-